

საქართველოს მართლმადიდებელი ეკლესია



ბათონი და საქართველო.



№

19

1920 წ.

მარტის 28



დღეა (დაპატიმრებულ შვილს). მე მესმის, შვილო, შენი ხმა და ვგრძნობ შენს ტანჯვას... შენა დარაჯები ამ ერთი ლუკმის მიწოდებაც არ ანებებენ დედას შვილისთვის, მაგრამ მაგათ არ იციან, რომ დედის გული ლოკალურ გულზე მამაცია და თუ შვილისკენ გაიწივს იერაიითარად, ძალიან რთულად იბრუნება...

ა.წ

სასარგებლო გაკუთილი.

... ჩვენ გავანადგურეთ კოლჩაკის დაქირავებული ბრძოლები. შევუსრეთ მეფის გენერალა დენიკინი და მისი ჯარი. გავდევნეთ იუდენიჩი, მოვსპეთ რუსეთში კონტრ-რევოლუციის ხსენება. ყველა მტრები დავამარცხეთ... დავგვრჩა ერთად ერთი ძლიერი მტერი—მკბენარი!..

(კომუნისტების მოწოდებიდან)



რადაც საოცრება იყო ლენინის სიტყვა.. არასოდეს არ მიუღწევია მკვერმეტყველების ამ სიმალემდე. მისი ხმა ჰქუხდა და გრგვინავდა; ურიცხვი აუდიტორია სულ-განაბული უსმენდა ორატორს: ყველას გული ერთ გრძნობით ჰფეთქავდა, ყველას გონება ერთ აზრს შეეპყრო...-ამხანაგებო!-ამბობდა ლენინი: „ჩვენ გავიკაჯეთ გზა სოციალიზმისაკენ და მივადექით აღთქმული ქვეყნის აღსავლის კარებს. ერთი ნაბიჯი კიდევ და ეს კარები გაიღება, შევალთ შიგ და ვეზიარებით სოციალიზმის ცხოველყოფელ წყაროს. მაგრამ, ამხანაგებო, შეჰხედეთ ავერ! ეს ვინ ატუზულა აღსავლის კარის წინ? ვინ უღობავს გზას და უხშობს შესავალს ძლევა-მოსილ მუშათა და გლეხთა ჯარს? ვინ არის ეს თავხედი და უტიფარი? იქნება, ეს არის საერთაშორისო იმპერალიზმის მორჩილი ავაზაკი? არა, ამხანაგებო! იგი ჩვენ საბოლოოდ დავამარცხეთ. ან იქნება, სისხლის მსმელ მეფის ყურმოჭრილი ყმა დენიკინი გგონიათ! სცდებით! დენიკინის ნასახიკ წაეშაოეთ რუსეთში! ან კიდევ მოღალატე მენშევიკებისა და ესერების აგენტია? არადა არა! მათი სინსილა გავწყვიტეთ ყველგან! ეს არის უკანასკნელი, მაგრამ ყველაზე ძლიერი მტერი ჩვენი დიადი საქმისა—მკბენარი! მკბენარი—აი ერთად ერთი ძალა, ჩვენ რომ სოციალიზმის განხორციელებას გვიშლის ამ უამად! ამხანაგებო! დღეს მთელმა ქვეყანამ იცის როგორ გვეზიზღება ჩვენ ომი და სისხლის ღვრა! ჩვენი იარაღია ნათელი იდეა და წმინდა პრინციპები! ჩვენ ერთხელ კიდევ უნდა ვცადოთ ამ იარაღთა სიძლიერე და ყოველივე ღონე ვიღონოთ შეგნების შუქი მოვუინოთ მკბენართა უვიცსა და შეუგნებელ გონებას... ჩვენ მათ დავარწმუნებთ, რომ არა გვსურს მათ წინააღმდეგ შეტევითი ბრძოლა ვაწარმოოთ, ხოლო უკეთუ ისინი არ შესწყვეტენ თავდასხმასა და სისხლის ღვრას, ბრძოლაში გამოწრთობილი ჩვენი წითელი არმია შესძლებს მათ მოკერებასა და ალაგმვას!“.. ასე ლაპარაკობდა ლენინი და აღფრთოვანებული ნარკომები და უთვალავი ხალხი ფიცსა სდებდნენ კომუნისტების საშინელი მტრის—მკბენარის შემოღებისათვის, უკეთუ ისინი გონს არ მოვიდოდნენ და ხელს არ აიღებდნენ კომუნისტებთან ბრძოლაზე. ერთი გადაწყვეტილების თანახმად ჩიჩერინმა დაამზადა საუცხოო ნოტა მკბენარებთან და გაუგზავნა მათ




მკბენარებმა მიიღეს ჩეჩინის ნოტა.

„... (დასაწყისი დამახინჯებული იყო) აგრეთვე ისიც, რომ ჩვენ მზათა ვართ დავაკმაყოფილოთ ყველა თქვენი სამართლიანი მოთხოვნა. თქვენ კირგათ მოგესხნებათ, რომ ჩვენ არავის ვუშლით დამოუკიდებელათ ცხოვრებას: შვეიცარია, არგენტინა, ახალი ზელანდია არავითარ შევიწროებას არ განიცდიან ჩვენგან. სახალხო კომისართა საბჭო სიამოვნებით დაამყარებს თქვენთან კეთილ მეზობლურ განწყობილებას და მზად არის ეხლავე შეიყვანოს მთავრობაში ერთი მკბენარი იმ პირობით, თუ თქვენ სამუდამოთ აღიკვეთთ ჩვენზე თავდასხმასა და ჩვენთან ბრძოლას.“

ამ ნოტამ საუცხოვო გუნებაზე დააყენა მკბენარები... ყოველი სიტყვა ხარხარს იწვევდა და საბასუხო ნოტაც მოკლეს, მაგრამ მრავალმეტყველი იყო:

— „ხა — ხა — ხა — ხა!“

დიპლომატიური ურთიერთობა შეწყდა საბჭოთა რუსეთსა და მკბენართა შორის.



გაჩაღდა დაუზოგავი რაზმი. სამხედრო მინისტრი ტროცკი არწივივით დაჰქროდა მკბენართა ფრონტებზე და სცდილობდა წითელი ჯარის მკუხარე სიტყვებით აიკანებასა და განხრევებას მაგრამ ვერაფერს ხდებოდა: საკმაო იყო მკბენარის გამ... და მთელი დივიზია თოფ-იარაღს ჰყრიდა

და შიშის ზარით შეპყრობილი უკან მოუხედავით გარბოდა. ფრონტებზე გაგრძელდა საარაკო დეზერტირობა და ღალატი: მთელი ბათალიონები და პოლკები გადადიოდნენ მკბენარის მხარეებზე და მორჩილებას უცხადებდნენ მტერს. წრე თანდათან ვიწროვდებოდა და ბოლოს ძღვევამოსილიმა მკბენარმა ალყა შემოარტყა მოსკოვის კრემლს, სადაც უმწეოსა და ილაჯ-გაწყვეტილ სოფნარკომს უკანასკნელი თავშესაფარი ეშოვა. ალყა-შემორტყმულები დაეცნენ სულით და გადასწყვიტეს მორჩილება გამოცხადებით გამარჯვებულ მტრისათვის. ლენინი ამბობდა: „ამხანაგებო! ჩვენი გზა სწორია, ჩვენი მიზანი ნათელია! მაგრამ თვალი არ უნდა დავიბრმავოთ გავლილ შეცდომათა წინაშე: ჩვენი შეცდომა კი ის იყო, რომ საქმე უკუღმა დავიწეთ: მის მაგიერ, რომ ჯერ მკბენარი მოგვესპო და შემდეგ სოციალიზმი დაგვეყარებია, ჩვენ ჯერ სოციალიზმი დავამყარეთ და შემდეგ ავმხედრდით მკბენარის წინააღმდეგ! მართალია, ეხლა ცდამ ფუჟად ჩაგვიარა, მაგრამ გამოცდილება მაინც დაგვჩა: ამიერიდან გვიცოდინება, რომ კომუნისტ-ბოლშევიკების რევოლიუცია უპირველეს ყოვლისა მკბენართა ძალაუფლების დასამხობათ უნდა იყოს მიმართული!“



და მკბენარს დანებდა მთელი წითელი სოფნარკომი: ტახტრევანით შემოიყვანეს მხარ-თეძოზე წამოწოლილი მკბენარი კრემლში. სამრეკლოებზე გაუნელებელი ზარის რეკა ისმოდა; მთელი მოსკოვი გუგუნებდა სხვა და სხვა კილოს ზარების ხმისაგან. ლენინი კი გულში იმეორებდა: „ქეშმარიტად, კარგი გაკვეთილი იყო ეს ჩვენი სოციალისტური რევოლიუცია: მეორეჯერ ასეთი შეცდომა აღარ მოგვივა. მკბენარიანი სოციალიზმი დიდხანს ვერ იბოგინებს...“

ქვორუმი.

ძვირფასო მკითხველო! შენ იცი ჩემი ხასიათის სიმტკიცე და იმედი მაქვს ამ ნაკლს ქვორუმის საქმეშიაც მაპატიებ.

— სად ქართველი კაცი, სად ხასიათის სიმტკიცეო. — იტყვი შენ სრულიად სამართლიანად, მაგრამ — თითო მახინჯი ყველა ოჯახსა ჰყავს, მოგახსენებ მე არა ნაკლების საფუძვლიანობით.

როცა მე ქვორუმი ე. ი. ბ-ნი ვეშაპელი, აღმოვაჩინე, სიხარულით მეცხრე ცას ვეწიე და მისი ვინაობის გამოკვლევა ვგრედ წოდებულ „დღიურ წესრიგში“ დავისვი.

საქმის გადადება არ მიყვარს. მისი ოგრაფია პირველ დღესვე გამოვარკვიე.

ბ-ნი ქვორუმი, ე. ი. გრიგოლ ვეშაპელი სრულიადაც არ ყოფილა იმ გვარისა, რომელსაც იგი საქვეყნოდ ატარებს. საბოლოოთ და ყოველივე ექვს გარეშე დამტკიცდა, რომ მამა ბ-ნი ქვორუმ-ვეშაპელისა გვარად ვეშაპიძეა და ვინაიდან ჩვენს რესპუბლიკაში დღესაც ძველი წესები არსებობს მემკვიდრეობის შესახებ, ცხადია, გვარი ბ-ნი გრიგოლისა ვეშაპიძე უნდა იყოს. რამ გამოიწვია მისი გვეშაპელება ჯერ-ჯერობით ვერ გამოვარკვიე. ისე კი ვფიქრობ, რომ მან იუკადრისა ვეშაპიძეობა და გვარი ცოტა შელოამაზა. სილამაზის წინააღმდეგ სადაო არაფერი.

მართალია, სულმნათმა ბრძანა: „თუ კაცი თითონ არ ვარგა, ცუდია გვარიშვილობა“, მაგრამ აქ — ჩის სილამაზზე სრულიადაც არ არის



ლაპარაკი. მე კი, როგორც კანონის მიმდევარი მოქალაქე, ვიღრე ბ-ნი ქვორუმი თავის ახალ გვარს დამფუძნებელი კრების საშუალებით არ დამტკიცებს, მას კვალად გრიგოლ ვეშაპიძეთ მოვიხსენიებ.

ჰოდა აი იმ განზრახვით, რომ კარგათ გამეგო ავან-ჩავანი ჩემი ახლად აღმოჩენილი ქვორუმისა, რომ გამეგო თუ სად ატარებს ის დროს, როცა კრებები უქვორუმოთ რჩებიან, ავდექი და დაუწყე უკან დევნა.

როდესაც ბ-ნი გრიგოლ ვეშაპიძე, ანუ უკეთ ვსთქვათ ჩვენი ქვორუმი ზემელის აფთიაქთან ტრამვაის ვაგონს მოახტა, მეც ფეხ-აკრეფით უკან ავყევი და ორი საათის შემდეგ მასთან ერთად ჩამოვხტა სადგურის დასწვრივ ჯიბგირების მოედანზე. ვეშაპიძე სადგურში შევიდა და როგორც შევატყვე სადღაც გაპარვას აპირებდა. მეც, რასაკვირველია, აჩრდილივით ავედევნე.

მეორე კლასის დარბაზი ხალხით გატეხილი იყო. ალბათ არ იცოდენ რომ ბ-ნი ქვორუმი დღეს აქ მოვიდოდა. კასის წინ მთელი რიგი წამსვლელებისა რიგში იდგა და თავის დროს მოელოდა.

ბ-ნი ქვორუმი—ვეშაპიძე კარგა ხანს არხეინათ დადიოდა დარბაზში, შემდეგ შეალო კასის კარები და შიგ შევიდა. მეც თან შეყოლა გადავსწყვიტე, ვინაიდან მეშინოდა კასის გამგე ქალს ქვორუმი-სათვის რაიმე შეურაცხყოფა არ მიეყენებია, მაგრამ უშაღვე შემაჩერეს, გზა მომჩერეს. მე მხოლოდ მაყურებელი გავხდი იმ სცენისა, რომელიც ბ-ნი ქვორუმის კასაში შეჭრამ გამოიწვია და დახმარების აღმოჩენის საშუალებაც კი არა მქონდა.

ქ-ნი ბერცოვა. (კასირმა) მოწყალეო ხელმწიფევ, გარეშე კაცს არა აქვს კასაში შემოსვლის უფლება, ნუ თუ თქვენ ეს არ იცით.

ბ-ნი გრიგოლ ვეშაპიძე (ქვორუმი) თქვენც უნდა იცოდეთ, ქ-ნო, რომ მე გარეშე არა ვარ, არამედ საზოგადო.

ქ-ნი ბერცოვა. მე თქვენ გთხოვთ გაბრძანდეთ კასიდან.

ბ-ნი გრიგოლ ვეშაპიძე. მე თქვენ გიბრძანებთ ბათუმის ბილეთი მომცეთ.

ქ-ნი ბერცოვა. კანონი ნებას არ მაძლევს, მოწყალეო ხელმწიფევ, თქვენი ბრძანება შევასრულო. გთხოვთ, გაბრძანდეთ.

ბ-ნი ქვორუმი. ეს კანონები, ნუ თუ არ იცით ძველი მთავრობის შეთითხნილია და მე ჯერ დამფუძნებელ კრებაში არ გამომიცია ამის შესახებ არავითარი კანონები.

ქ-ნი ბერცოვა. ბატონო ჩემო, ჩვენ ჩვენი კანონები გვაქვს და როცა ახალს დაგვიწერთ, მაშინ ახალი კანონით ვიმოქმედებთ. ახლა გთხოვთ, კასიდან გაბრძანდეთ.

ბ-ნი ვეშაპიძე. როგორ თუ გავიდე, მე ეხლავ

რევიზიას მოვახდენ თქვენს კასაში, თქვენ შევინა გგონივართ?!

ქ-ნი ბერცოვა. ბატონო ვინც გნებავსთ ის იყავით. მე არ შემოდია აქ ბილეთი მოგცეთ. იმდენი ხალხი რიგში სდგას და რას იტყვის.

ბ-ნი ვეშაპიძე. მე დამფუძნებელი კრების წევრი ვარ... მე არავისი არ მეშინია... ეს ხალხიც ფეხებზე მკიდია. გიბრძანებთ, დაუყონებლივ ბილეთი მომცეთ.

ხალხში დიდი მითქმა-მოთქმა შეიქნა.

— ნეტავ ვინ არის, ასეთი ლონიერი რომ ყოფილა...

— ალბათ ინგლისელი იქნება...

— არა, ეს უთუოდ გადაცმული რევიზორი იქნება...

გაისმოდა ერთი მეორეს საწინააღმდეგო აზრი აქეთ-იქიდან და მე ვუნებაში სიცილით ვკვდებოდი. სიცილით იმიტომ ვკვდებოდი, რომ ამდენ ხალხში მართო მე ვიცოდი თუ ვინ გაბედდა ასე თავხედურათ შეჭრას კასაში და ასე გაბედულათ ხალხზე ლაპარაკს. მე ვიცოდი, რომ თუ არ ქვორუმი, ამას სხვა ვერავინ გაბედდა, ან ვის შერჩებოდა ასეთი ამბები. ეს რომ ვინმე უბრალო მომაკვდავს ექნა, მაშინვე დაქვრდენ და თუ დაქვრას ვერ მოუხერხებდენ, გაზეთებში მაინც ჩაგდებდენ. ქვორუმს კი ვინ რას გაუბედავს, ან გაზეთში ვინ გაუწერს ამბავს.

მატარებელი წავიდა და გრიგოლ ვეშაპიძეც თვალს მიეფარა. მე სახლში დავბრუნდი. დაჯდომაც ვერ მოვასწარ, რომ ელსმენის წკრიალი მომესმა, ყურმილს ხელი დავსტაცე და სმენად გადავიქმეც.

— ვინა ხარ?

— ვერ მიცანი, კაცო? ბიჭო, რა დროს სახლში ჯდომავ, შე ოხერო, როცა აქ ასეთი კრება გაჩაღებული.

— რა კრება, კაცო?

— დამფუძნებელი კრების.

— როგორ? ქვორუმი?

— ქვორუმიც არის და მეტიც. ახლა ისეთი საინტერესო საგანია...

— მამა გიცხონდა... შენ შენი თავი მოატყუე.

— კი, ლმერთმანი.

— რას თაღლითობ, შე ოხერო.

— გეფიცები პატროსნებას.

— ბიჭო, მე ჩემი თვალთ ვნახე, რომ ბათუმის მატარებელს გაჰყვა.

— ვინ გაჰყვა?..

— ვინ და ქვორუმი.

გრიშა გადბრუნდა სიცილით და ელსმენში მხოლოდ რახრახილა ისმოდა.

აშკარათ მივხვდი, რომ კიდევ დაბნეული ვყოფილვარ. ალბათ ქვორუმი სხვა ვინმე უნდა იყოს.

მორიელი.

შექანჯალებულის ლექსები.

I

არიმ ჯანი, არიმ ჯანი...
 არ მაქვს ღონე, არ მაქვს ჯანი...
 სუბს უხდება ბადრიჯანი
 სოლოლ! ადერბეიჯანი!!!
 თეთრი კბილი, შავი გული,
 შავი, გული, თეთრი კბილი,
 ჩვენ გვალაატობს, არ შურს ფული ..
 ბაქოსაკენ მაქვს ფქვილი...
 საიდუქლო მსურს გაგანდოთ,
 ფულები საპრობაგანდოთ
 კუკ-კოლისსა დაახმარა.
 (თუ ღმერთმა არ წაამწარა).
 სოლოლ ყარდაშ! ნავარ ჯანუმ!
 რა გსურს ადერბეიჯანო.!!
 სჯობს მოთავსდე შენს ბაქოში,
 ჩამოიცი ფეხზე ქოში...
 ჰყიდე ქიშიში, შაქარლამი..
 შენ დაგლუპავს პანისლამი...
 არ კმარა, რომ ხარ მაშადი?!.
 სჭამე პური და ხან მჭადი.
 ბათუმის ოლქიდან გადი,
 თუ არ გინდა ღორის მწვადი!!

II

ძმებო და მეგობრებო!
 ავაზაკ მეკობრებო,!.
 სულ ყველას გვედრებო,
 როდესაც მე მოგვედებო,
 ნუ ჩამდებთ სამარეში,
 შემდეთ პურის ფურნეში,
 ვერ გავძებ სიცოცხლეში,
 დე, გაძღეს ჩემი ღეში...
 ფურნეში მსურს საფლავი,
 ოქვენ სჭამეთ ქიშიში-ფლავი!
 ალაპზე დაჰკალთ ღლავი,
 დააქამეთ ქლიავი,
 პრასა და ნიახური,
 გადაჰკარით კახური,
 რომ გახდეთ განახური,
 შემწვარს მომჭერით ყური...
 შენდობა შემითვალეთ,
 ამას გთხოვთ გენაცვალეთ!:

III

ნანი-ნანი! ნანი-ნანი,
 ნანი ნანი და ნანი!!!
 ასკანა და აცანა!

კარბა მრგვალი, მოხრილი,
 ფსკერი გამოქსოვილი,
 (ვგონებ ცხენის ძუისგან...
 ახლოს კი ვართ კკუისგან).
 შიგ თუ ჩაყარეთ ფქვილი,
 შეიქნება გაცრილი,
 იგი მეპურეთაგან
 დღეს არის განდევნილი,
 ის დღეს არვის სჭირია,
 სძულთ ვითარცა ჭირია,
 ის გამოიცილობს ამას,
 ვინც მისდევს პურის ქამას,
 ვისაც ბზე და ჩხირები,
 ყელში გაეხირება.—
 ფქვილის გაცრას დრო უნდა,
 დრო ყოველთვის ფულია,
 პურს წონას სძენს ქვა-გუნდა...
 ეს ხერხი ხომ ბრძნულია...
 კუჭიც გვიან ინელებს,
 მოგვშივდება ჩვენც გვიან,
 დღეს მე შევქამ შინგლებს,
 აბა, რა ვქნა, რომ მშიან.

IV

აბა დელი, დელი, დელა...
 ჩემს მუცელში როგორ ბნელა!
 შიგ სეირნობს ვირთხა ნელა,—
 აჩუ, ცხენო, აღონელა.!!
 შევაყოლოთ ნელა-ნელა,
 ჯერ შევიდეთ ქალაქ ხონში,
 მერმე შევიაროთ ონში,
 ტანს დავიბან მე რიონში,
 ჩავქენდეთ ქიმერიონში,
 იქ ავაგსო მსურს თასია,
 ხომ იცი მწერალთა სია?!
 საჭიროა სადღეგრძელო.
 მინდა ყველა ვადღეგრძელო:
 აი, ჩვენი მწერალთ სია!!
 ჩემო ძმაო, მანასია!.,
 შიგ ბევრია წიწილები,
 გუშინ გამოჩეკილები!..
 ვინ შეადგენს უკეთესად
 მწერალთ სიას, მითხარ-ვინ-სად?
 მწერლობის ცენზი ავანსად
 ბევრს უბოძეს, უფეშქაშეს...
 (პაოლ! ახპარ! ბურნუთ ქაშეს?!)
 რა უყოთ, თუ ჯერ არ მღერენ.
 სულ ერთია, ხვალ დასწერენ,
 კარგი არის აქ ავანსი,



გურული სცენა.

და გოგრაში დისონანსი.
 სადღეგრძელოს როცა დავცილი,
 იქ იქნება სადმე ვარცლი,
 წამოვავლებ ხელს მას უცებ,
 (მთვრალი ცოტას ვიტუტუცებ)
 ქიმერთ მგოსნებს თავში ვსტკუცებ,
 ვიწყებ შფოთვას, ღრიალს ავსტებს,
 ჭიჭებს, თეფშებს, ბოთლებს გავსტებს, —
 წამოსვლისას, შემდეგ ბოლოს,
 ექპრომტს ვესვრი მე პაოლოს,
 ჩამწერენ მწერალთ სიაში. .
 მუზაზე ეკლესიაში
 ჯვარს დავწერ... ტაში, ტაში!
 სახრე მინდა მოგცხოთ რქაში...
 მომენატრა მე რძის ქაში,
 და ჩაის სმა ბროლ-ჭიქაში!!

VI

ჩიხტი, კოპი, გობ-საკერი!..
 ღიბტი, პიტუმი... ჰერი, ჰერი!..
 ავიჩქრა უნდა მხრები,
 მსურს დავრახმო მათხოვრები.
 მე ვარ იმათი სარდალი,
 და უნდა გითხრათ მართალი,
 კარგადაც უწინამძღოლებ,
 ყველას შევკრებ, გავიყოლებ
 და გაუშვერთ რისხვით ხელებს
 გამვლელებს და გამოამვლელებს,
 გავებლანდებით ფეხებში,
 ქუჩებში და ეზოებში,
 არვის მივცემთ მოსვენებას...
 ჩვენ თავს მივცემთ იმდენ ნებას,
 რომ წალეკოს თლად ტფილისი
 ჩვენმა ტალღამ მონადენმა,
 სენმა ჩვენგან შენაძენმა,
 მოქალაქეთ მუსრი ავლოს...
 იქნებ ამით ჭკვა ისწავლოს
 ქალაქის მესვეურებმა,
 რომ ისმინოს მათ ყურებმა,
 და სადმე გზა მიგვიჩინოს,
 პურით აქ ჩვენ ვინ გვარჩინოს?
 რად გვაგდებენ რვენ აბუჩად,
 ნურც ტყემლად და ნურც ალუჩად.
 ტფილისს დავლუპავ ჩვენ მათხოვრები
 ათასგვარ სენათ რომ შევეყრებით,

შექანჯალებული.

თავარ ანგელოზმა მოსპოს მისი სახელი, ვინც-
 ხამ აი პარტიები მოიგონა! გაგონილა კაცო ამ-
 დონი პარტიები? სულ დამებნა დავთარი, რომელი
 რომელს ჯობია, რომელს რა უნდა, ველარ გევიგე,
 ყველა გაკეთებას და აშენებას მპირდება. მეც ვი-
 ფიქრე ერთხანს და ბოლოს მენშევიკებთან ჩავე-
 წერე.

— ყოველ შაბათობით კრებაზე ნასიარულევი
 ფეხები გამომეჭრა, ესკიდევი არაფელი: აი საწვერო
 გადასახადიო, აი შესაწვევიო, აი ესავო, იგი ისავო,
 შენ პარტიის წევრი ხარ, გადასახადი პირველათ უნ-
 და შეიტანოვო, თუ კრებას დააკლტი, ეს პარტიის
 ღალატიაო... ბიკოს, ვიფიქრე, ეს რა ხათაბალას
 გადავკიდე თქვა—ავიღე და ქე გამოვეწერე უკან.
 გამევეწერე კი მარა ვინ დამაყენა! გევიხედე მო-
 მადგა კარებზე ყურის მეზობელი ვარლამი და ვინ-
 და თუ არა ჩემს პარტიაში შემოდის. ჩვენი პარ-
 ტია არის ბაშენიკების პარტიაო, თუ ვინდა ძველი
 ნაკოლოზის დროი არ დაგიბრუნდეს ჩვენთან უნდა
 იყოო.

— ხარჯები რამე ხომ არ მომინდება მეტქი,
 ვკითხე.

— რას ამბობ, პირიქით, ჯამაგირი გექნებაო.

— ქე მეშინოდა პაწაი, მარა ვიფიქრე ბაშენი-
 კობა რომ უფრო დახლდინი პარტია არ იყოს,
 ჩვენი რაფიელა ხუცესი ისე რაფა მიეკარება თქვა.
 დამიდგა თვალი და ქე ჩავეწერე მეც.

— ერთ დღეს მოგვივიდა ცნობა ამა და ამა
 ადგილზე მოიყარათ თავიო. მივედი, გამოგვინ-
 ცხადეს: აჰლამ ლანჩხუთი უნდა ევილოთ და ვინც
 არ წამოვა დავიჭირავთო. დაგვირიგენ თოფები.
 გავყვი მეც. მივედით კიდევ. ვიფიქრე: მართლა
 ისე რაფა გადირევიან რომ სასროლათ გაგვიმეტონ
 თქვა, მარა იმისანა შენ მტერს, რაც გოგიას იქი-
 ნეი დღე დაადგა. ხოშკაკალსავით მოგვაყარეს
 ტყვია. გიყვარდეს, მოგკურცხლე. სახლში რომ მი-
 ვედი, მერე გაახსენდა თოფი სად დავკარგე თქვა,
 მარა შენს მტერს არ გაახსენდი იმაზე უფრო მე ის
 არ მახსოვდა. მევორე დღეს მომადგა კარებზე ყა-
 რამანა მილიციონერი: თემში გიბარებენო. რა ჯა-
 ნი მქონდა გავყვი.

— შენ ლანჩხუთის დაცემაში მონაწილეობა
 მიგილიავო, მითხრენ იქ, შემიყენეს პროტოკოლი
 და გამაგზავნეს ლანჩხუთში. ლანჩხუთიდგან, ოზურ-
 გეთში; ოზურგეთიდგან ქუთაისში; ქუთაისიდგან
 თბილისში; შენს მოწონებულ ალექსიას კაი ოთხი
 თვეი მაყურყუტებებს ციხეში. ახლა კი შევირუ-
 ჯე თმანი, რომ არც ერთ პარტიას არ გევეკარო
 ხლა რაღა დროის არის.

ახლობედი.




ქუთაისი.

სისუფთავე, რომელიც ქალაქ ქუთაისში არსებობს სამართლიანად აკვირებს ყველა მნახველს.



და ეს განსაცვიფრებელი სისუფთავე პირველ-ყოვლისა უნდა მიეწეროს აი ამ დამსახურებულ სანიტართა რაზმს.



როდესაც თქვენ აი ამ პატარა სურათზე დაინახავთ ქუთაისელი მილიციონერის სიფხიზღეს და სიჩაუქეს, მაშინ რა თქმა უნდა აღარ გეუცხოებათ ის სამაგალითო წესრიგი, რომელიც ამ ქალაქში სუფევს.



სახელმწიფო მოხელეთა ცხოვრებას ისეთივე ჩქარი ნაბიჯით მიდის წინ, როგორც სხვა ყველაფერი ქუთაისის ცხოვრებისა. აი როგორ ჯაფაში იყვნენ მათი მსახურები წინათ.



და აი, როგორ თავისუფლათ ცხოვრობენ ახლა.

მთავარი სახელოვნოები.

განცხადებათა დაფაზე:

პირველი განცხადება. ორშაბათს დეპოს და მთავარ სახელოვნოების გამგეობის წევრი ილიკო მანჯგალაძე გავიდა გამგეობის ბინიდან სხვა და სხვა დავალებების შესასრულებლათ და დღემდის არ დაბრუნებულა. ვაგონის მრეცხავ ქალების სიტყვით ის შემანქანეთა ბრიგადებს გაუტაცნიათ კონტრაბანდათ აზერბეიჯანში.

გატაცებულის ნიშნებია: შავი დაგრებილი ულვაშები, ორი ყური მარცხენა მხარეზე; ტანთ აცვია შავი მაუდის პალტო და წაღზე ჰკიდია შვიდი

ნუმრის „ბრაუნინგის“ სისტემის რევოლვერი. მნახველს ვთხოვთ რევოლვერი დაგვიბრუნოს, ხოლო მანჯგალაძე კი დაიტოვეს.

მესამე განცხადება. სამკედლო, სახარატო, ამწყობი, ვაგონის და საღურგლო ცეხების მუშების ერთი ჯგუფი ამზადებს სახაზინო მასალისაგან მეტად ხელმისაწოდომ ფასებში და საუკეთესო თვისებისას: სახნისებს, თოხებს, ბარებს, წერაქვებს „ზაქივალკებს“, ტაბურეტებს და ბევრ სხვა ამგარნივთებს. მუშაობა სწარმოებს დილის 6¹/₂ საათიდან 3 საათამდე. მსურველთ უნდა მიმართონ დაკვეთისათვის საამისოთ ვახსნილ საგანგებო ბიუროში დეზერტირის ბაზარში ბ-ნ უნამუსიანცს.

ციც!

რკინის გზის ფურცელი

(სახუმარო განყოფილება „ეშმაკის მათრახისა.“ კერძოდ რკინის გზის მთავარ მოხელეთა გასართობათ.)

მოწინავე.

რკინის გზა სამშობლოს მთავარი ძარღვია, და თუ ის ვიღაცა რეგვენმა არღვია, არ გვმართებს ჩვენ მისი კვლავ წარჩინებანი რომ უფრო მოზრდილი არ მისცეს ვნებანი.

მას არგებს მათრახის კულითა ხიცინი... არ ვხუმრობ, ღმერთმანი... აბა რას იცინი? მე წამალს იმათთვის უკეთესს ვერ ვპოვებ და მისი მორთმევის უფლებას ვიტოვებ.

მეისრე.

კასასთან.

(ყურმოკრული ამბავი)

მოლარე. სად აგზავნი ამ ტომრთ ფქვილს?

ვაჭარი. გომში, ან სურამში, ბატონო.

მოლარე. როგორ?.. თუ გომში გინდა, გომის ბილეთი უნდა აიღო და თუ სურამში, — სურამის.

ვაჭარი. მე, ბატონო, ხაშურში მიმდგომარა, ცხვარობ, მაგრამ...

მოლარე. მაგრამ რა? თუ ხაშურში სცხვარობ, ხაშურის ბილეთი აიღე.

ვაჭარი. არა შენი ჰირიმე... იქ ბიკენტი კანდელაკისა მეშინია. უმჯობესია სურამში გაიგზავნეთ და იქიდან ხაშურში ზურგით ჩამოვიტან.

მოლარე. შე კაი კაცო, ზურგით რატომ უნდა ათრიო...

ვაჭარი. დაკარგვას ასე აჯობებს, შენი ჰირიმე...
საცერი

ფოთი.

რადგანაც ეკუა

ეშმაკის ქვისლია,

„მათრახის“ რედაქტორს

ამბავი მისვლია:

„ფოთისა სადგურში მოლარე კასისო

ეკუა, ჩამდენი სიავის ასისო,

მთავრობამ პოსტიდან გადააყენაო,

რომ სხვაგან განეგრძო ცოდვათა დენაო.

მაგრამ ის, რალაცა მანქანებითო,

კვლავ დარჩა კასაში ვიღაცას ნებითო,

და შვიდ მარტს იდროვა ტარიფის ცვლითაო...

არ ვიცით ეს ცოდვა რეთია თვლითაო.

ლოკოკინა.

ამით ვაცხადებთ **ადარბეიჯანისა და სომხეთის** რესპუბლიკების საეურზღვე-
ბოთ, რომ ჩვენ ვუიღით

ტელეგრაფისა და ტელეფონის აპარატებს

თითქმის მუქთად. იჩქარეთ!

საქართველოს რკინის გზათა ადმინისტრაციის საბჭო.

უცნაური შემთხვევა.

საქართველოს რკინის გზის მთავარ რწმუნებულს ვიქტორ ჩაჩიბაიას, რომელსაც დავალებული აქვს ბაქოდან ჩვენი რკინის გზის საჭიროებათათვის მაზუთის მოწოდება, ბაქოში რამოდენიმე ცისტერნი დაჰკარგვია და მის ნაცვლად განსაკუთრებულ მატარებელს ბრინჯიანი საქონლის ვაგონები გამოვბმია.

ვაგონების დაკარგვა რკინის გზებზე ახალი ამბავი არ არის, მაგრამ ჯერ არავის მოსწრია შემთხვევა, რომ დაკარგულის ალავას სხვა და ისიც ბრინჯით დატვირთული ვაგონები შამოგპარებიოთ.

ამ შემოპარებელის აღმოსაჩენად რკინის გზის მთავრობამ სასტიკი გამოძიება დანიშნა და იმედი უნდა ვიქონიოთ, რომ ჩვენი ვაგონების მეორე ნომერში მისი ვინაობა გამოვკვრივებთ.

„რკინის გზის ფურცლის“ რედაქციისაგან.

ბ-ნებო! ჩვენი პატარა ვაგონითი მოწოდებულია შეძლებისა და გვარად ემსახუროს კერძოთ რკინის გზას. ყოველივე ცნობა ამ პატარა ორგანოსათვის განსაკუთრებით უნდა იქნეს შემოწმებული სარედაქციო კოლეგიის მიერ.

ვისიდან ჩვენი რკინის გზა ვაცილებით უფრო გრძელია ამ პატარა ვაგონებზე, ამიტომ ცხადია აქ ყველაფრის მოთავსება შეუძლებელი იქნება. ამიტომ განსაკუთრებით უნდა ახსოვდეს ჩვენს თანამშრომლებს შოთას თქმულება: „გრძელი სიტყვა მოკლეთ ითქმის...“

ამ ნომრისათვის წარმოდგენილი წერილი რკინის გზის საავთმყოფოს „ზედამხედველისა და სესტრიციების“ შესახებ გადაეცა საგანგებო კონსიას შესამოწმებლათ.

მაკტორი გ. კვერთხაძე.

სიმბოლისტური ურემი.

„...და ოფელიამ თვალიმოავლო
ვალერიანმა ჰამლეტს გაარტყა.“

ტიციან ტაბიძე

„აქში, აქში, შე სატურევ, ჰაუ, ჰაუ!
პოეზიას უნისკარტებს ეს კოლაუ!“

პენტა.

პროლოგი.

ხშირად იოთვება ეს თფილისი ქრელი ყაისით,
როცა ჩაყლაპავს მას საღამო ეფემერული,
ცხელ ვიტრინებში ყალბ ფალცეტიტ ჰყეფს ქუთაისი
და ლეკურს უვლის იმერეთის ფერ-უმარული.
ლექსთა ლელვაში აცურდება კაფე „დარბაზი“,
ნაორთქლ მინაში დაიკვილებს პაოლოს ცხვირი,
სუფრას დაამტვრევს ვინმე ლოთი და ყომარბაზი
და გადმოცვივა მახათები და წინდის ჩხირით.
და სახე სახეს თან გაჰყვება ვით წეროები,
მათხოვარივით მოიხრება შორს პორიზონტი
დარბაზს გამოგვის ბლუ ენათა კენწეროები
და ყველას შთანთქავს მრუში ღამის შავი მამონტი.

უალდის პორფილე—
ტიციან ტაბიძე,
ღმერთივით წამჯდარა
ურმისა ტაბიკზე,
მეფური ტყლაშუნით.
მირეკავს ურჩ ხარებს
და გიჟი ხუცესი
მის ცხვირ წინ ხარხარებს...
შიგ უზის გრიგოლი
კუზიან აქლემით
„ბანდიტი“ პაოლო
ნამკვრალევი თვლებით,
ჰამლეტის მახლობლად
სდგას დინჯათ ვალერია*)
ლაწვები უელავს.
ვით ვაშლი „კალვერი“,
მათ გვერდსა უმშვენებს
მოახლე მხედრები,
აპრილის ბოლოკი
და ღვინით ვედრები.
კრებულსა თან მისდევს
ფერხულით ჭინკები,
ჰაერსა მისერავს
ნაღძობი ჭლიკები...
უმტრად ურემზე
ჩდება აშორდია,

*) ბოდიშს ვიხდი ვალერიან გაფრიდაშვილის წინა
შე, რომ მისი სახელი ლექსის ზომამ ასე დაშიშოკლა.

ყველას იპატიებს
„ბოში აშ მორთია!“
მოქნილი ენითა—
სიტყვების მარმაშით
მთელ კრებულს იტაცებს
ნარდისა თამაშით.
გამოჰკრა ცულლუტმა
ნაწყობი შაშები,
და ყველას ასწაპნა,
რაც ჰქონდათ გროშები.
აღელდა მხედრები,
შეიქნა ჩოჩქოლი,
გაჩაღდა გინება
და კრივი ჩამქოლი..
კოლაუმ ასკარას
მხნედ გაუტილა,
პაოლომ შესძახა:
„ბიკებო იალა!“
ვალერიმ ბეც ჰამლეტს
ამოკრა პანდური,
ყვირის აშორდია:
„ო, ჯიმა დოვლური!“
ჯირითით ტრიალებს
მრისხანე მუშტები,
ფეხზე სდგას არლეკინ,
პიერო კუშტები.
დაფეთდა ხარები,
კულ-მოწვით გაიქცა,
ღვინო ლოთ ვედრებით
უწყალოდ დაიქცა.
გაგიჟდა ურემი,
სიმწრით აჭრიალდა,
და მისი ხიზნები
ძირს გადმოხრიალდა...
მიგორავს მხედრები,
იმტვრევა ცხვირები
და თავში ესობათ
ოკნების ჩხირები..
ტიციანს დაცემით
კუსუბო ეტკინა
გაჰკივის ტირილით:
„რამ გამაკრეტინა!“

პოდბიპენტა.

სასკოლო ქრონიკა.

ტფილისის ქალაქის სასკოლო საბჭომ გახსნა
უმუშევარ ინტელიგენტთა დამხმარე კოოპერატივი
სახელწოდებით: „მასწავლებლობის ცენზი“. კოო-
პერატივში წევრებათ ჩაწერა შეუძლიათ უმთავრე-
სად სტუდენტებს, განურჩევლად სქესისა. კოოპე-
რატივიდან „ცენზის“ მიღება შეუძლია წევრებს
თავ თავიანთ რაიონში არსებულ ერთ-ერთ ქალა-
ქის სკოლიდან—სულზე თითო „ცენზი“. X

ჩვენი მოსწავლე ახალგაზრდობა.



მოწაფე ქალი. ეხლა ჩვენი ბედი საუკუნოთ დაკავშირებულია და შენ ვალდებული ხარ, გამიმხილო რას აპირებ გიმნაზიის გათავების შემდეგ: საითკენ გრძნობ უფრო მოწოდებას, რომელ ფაკულტეტს აირჩევ?

მოწაფე ვაჟი. ჩემი გზა, გვრიტიკო, აშკარაა და დასამალავი არა მაქვს რა: თუ ჩემს გიმნაზიის დამთავრებამდე ჩვენს უნივერსიტეტში სპეკულაციის ფაკულტეტი გაიხსნა, ხომ კარგი: ამ ფაკულტეტზე შევალ, მაგრამ სტუდენტათ კი არა, პროფესორათ... ამისთვის საკმაო სტაჟი და მომზადება მაქვს კიდევ... ხოლო თუ ეს არ მოხდა, მაშინ იძულებული ვიქნები ისევ საკუთარის კომბინაციებით იოლად წავიდე... (მღერის „ნარიშკის“ ხმაზე) შენ ვერ იცნობ ამბაკოსა...

შენ ვერ იცნობ ამბაკოსა...
გავაცოცებ თამბაქოსა—
ან ერევანს, ან ბაქოსა—
შენ ვერ იცნობ ამბაკოსა!

მოწაფე ქალი. რა ჭკვიანი ხარ!.. მიყვარხარ!...

წყალი შეაკავა

ეშმაკო, მინდა გიამბო
ჩვენი ღრმა ღელის ამბავი,
მმართველს გაუწყო ყოველი
რაც კი რამ ხდება აქ ავი.

წყალი შეიპყრო სასმელი
ვეშაპმა მძლევემან, ძლიერმან.
მსხვერპლად მოგვთხოვა ქალწული...
რა მივცეთ ხელ ცარიელმან?!

შეგპირდით, მხოლოდ არა გყავს
მზეთ უნახავი არსება.
გასტანჯავს კაცსა დრო ეამი
საქმე რომ გაითარსება.

ახლა ახლად გვიპირობს
კვლავ შეკავებას წყალისა,
მწყურვლებში ვრჩებით თუ რომა
არ გვსურს გადახდა ვალისა.
ასი თუმანი გვჭირია

უფროსის ანგარიშითა
უნდა მოვბოქოთ, რა გზა გვაქვს
უწყლოდ დარჩენის შიშითა.
კოპერატივის შინაგანს
შემდეგ მოგითხოვო წვრილადა,
აქ, როგორც ვატყობ, მცხოვრებნი
გარდაქცეულან ძილადა.

მხოლოდ ყაჩაღთა თარეშმა
ძალიან ფეხი აიდგა:
ძარცვამ, დაცემამ, მკვლელობამ
ფესვები მაგრა გაიღა
ალაპის ძეტი არვინ გყავს
მომხმარებელი, დანცველი.
მიტომ თარეშობს თამამად
კაცის მკვლელი და მძარცველი.
მათრახი არგებს, მე ვიცი,
ჩვენსა ფორმალურ მფარველებს,
თუ დიდი საქმით ბრუდება,
მოხვდება — გამოანელებს.

ან. განჯისკარელი.



ეკონომიური ბრძოლა სომხეთის ფრონტზე

(სადახლო.)

ყველასფერს ქე მოველოდი ქვეყანაზე, მარა მე თუ ნიკოლოზის მინისტრის ოდენა ჯამაგირი მექნებოდა და შიმშილით მაინც მოგვცდებოდი ეი რაფა მეგონა! შიმშილს თქვენ დაეთხუეთ, ბატონებო, ერთი ფუთი ღომი რომ შემაყაროთ, მიწაზე ერთი კეკალი არ დავარდება ისე მაქვს ტანზე ყველასფერი შემოფლოვითილი. სიცივისაგან შეწუხებულმა გამოვანხე ერთი ძველი ნაპალტოვარი, წუუსიე მეზობელი ქალები ნემსებით, მაგრატლებით და უთოებით; აბრუნეს წაღმა, უკულმა, მაზმანეს, მატრიალეს აქეთ იქით ჯარასავით, გამოიყვანეს რალაცა უცნაური, ერთი ცილის სიგძე; ჩამაცვეს ტანზე და მითხრეს: ინგლისური მოდაო. აწი, ბატონებო, ისე მაქვს ტანზე შემოჭირებული რომ ფეხებს ძლივლა მივადგამ. კანცელარიაში სკამზე ჯღომას ვერ ვახერხებ. ამხანაგები ხშირად მეუბნებიან: ამხანაგო პალტო ვახიხადე თვარა გარეთ გახვალ და გაცივდებიო. ისე უზღელი არა ვარ, მეც ვიცი რომ კანცელარიაში პალტოს გახთა უნდა, მარა რას იქ, ჩემდა საბედნიეროდ არც კანცელარიაა ისეთი გამთფარი რომ გარეთურმა სიცივემ მაწყინოს, რადგანაც უფროსების ოთახებს მეტი გათფობა ესაქვირება.

მართალი უნდა ვითხრათ, სამსახურიდან სახლში მისვლა მეძნელება. ბაღები კი მომკრავენ თვალს თუ არა გადმოცვინდებიან ეზოდან, დამიწყებენ ქიჩვას: ბაბა რა მომიტანე და რა მომიტანეო. რა გამატანეთ შვილო, რას მოგიტანდით მეტქინ, ვეუბნები მეც.

კვირა ღღეს რომ ბაზარში გაბძანდეთ მნახავთ სავაჭროების წინ მეც და ჩემთან სხვა აყულებულ მოსამსახურებს. ზოგს ძველი ტუყურკა და ზოგს ცოლის ბეჭედი გამოუტანია გასაყიდათ. ძველი ვაჭრები დაცინვის კილოთი გვეუბნებიან: რაგიჭირთ თქვენც გასპეკულიანტებულხართო. კარგი სპეკულიანტები კი ვართ, არ დავგიტოვებია სახლში არაფერი, ყველასფერი დაყვიდეთ. სამი თვის წინეთ დეიწყეს გაზეთებში წერა ორმოცი პროცენტით ჯამაგირების გადიდების შესახებ, სატარიფო პალატის რწმუნებულები ჩამოვიდა ბაზარზე სანოვაციის ფასების გასაგებათ, არ მინახავს თვარა შევიყვანდი მაქარაძის დუქანში, სამი ღღის ხარხოს ვაჭუმდი და ნახავდა რას გადახდევინებდენ. მოვალეობა ეს მომატება რომ გაიგეს, თავი წამოყვეს და ვალების გადიდება ორმოცი პროცენტით მომთხოვეს. ეხლა სამოცი პროცენტის შესახებ სწერენ, მარა ბატონებო მთავრობა რომ ჩვენს უმწიფო მდგომარეობას მიაქცევდეს ყურადღებას და გადიდება ჯამაგირებისა ჩუმათ მოხთებოდეს, ჩემი აზრით უფრო კარგი იქნებოდა.

გ. კაჭარავა.

აქ ნამდვილი ომია, ყოველ საღამოს ხდება შეტაკება ადგილობრივ სანაპირო ჯარსა და კონტრბანდისტთა შორის. ხშირად, როცა ბრძოლა მწვავედება, საქმეში საბაჟოს რეგულიარული ჯარიც ერევა.

ასეთ შემთხვევებში კონტრბანდისტთა ჯარები უკიდურეს ზომებს მიმართავენ ხოლმე: თავის სასროლ იარაღებს ათ და ხუთ-თუხანი ბონებით ტენავენ. ეს ვერაგული საშუალება ცნობილი ქიმიკოსის, ქრთამიანცის, ახალი გამოგონებაა. ქალაქის ფული უფრო მძიმე და მჭრელი გამომდგარა ვიდრე ტყვიის პატრონები. თვალებს თუ არ ავიხოვთ უნდა ითქვას, რომ მოწინააღმდეგენი ცოტათი მაინც აღწევენ თავის მიზანს. აქ უმთავრესად როლს თამაშობს სტრატეგია და არა სიმრავლე მტერისა. მტრის გამოსვლა ხდება განსაკუთრებით მესამე ზარის შემდეგ.

ნადავლათ შეიძლება ჩაითვალოს: სხვა და სხვა ჯურის და ხარისხის ფართოფელობა: თუთუნი ჩვენებური გინდა ტრაპიზონის; სხვა და სხვა გვარი კოკლოზინა ტკილეფელობა. ცოდვა მიეცეს ინგლისელებს ნეიტრალზონის კარაქი გინდა, ერბო, კვერცხი, გინდა შაქარი, რასაც ინატრებს კაცის გული ყველა აქ არი. ფარდაგი, ნოხი, ხურჯინები, ან ლეკის შალი რა გვარიც გინდა აქ აწყვითა ას-ასი ცალი. ლიმონი გინდა მანდარინი, ფუთობით თხილი, უბედურ ჩვენსა საბაჟოსა ჩასცივდა კბილი. ქალაქს იკითხავთ გინდა საწერს გინდა თამბაქოს, უცხო ქვეყნისას, თფილისის, გინდა ბაქოსს. საპონი თუ გასურთ სარეცხისა ტომრობით ფეკილი; სომხების აზრით: „ადგილია აქ ერთობ თბილი!... ერთს მშვენიერ დილას საბაჟოს საწყობებს ცეცხლი გაუჩნდა. გაჩნდა ერთი მითქმა-მოთქმა, ტელეგრაფა, ტელეფონი, სარევიზიო კომისია და გამოძიება. არა, ის იზამდა!-არა, ის კი არა ის იზამდა. მეც ვერევი ბაასში: არც ის იზამდა და არც ის, არც პეტრუშკა და არც ვახუშტა!-გულზე ვსკდები... რაფა ვერ მიხვდენ ვისი ნაქნარია; მინდა ვუთხრა... მაგრამ... რომ სიცილი დაყარონ, ან მე მტაცონ ხელი... ვთქვა? არ ვთქვა?... ვისი ნაქნარია... ბატონებო და „თავის“-ვირთავვის!

ხა... ხა-ხა-ხა!.. რას იცინით ბატონებო დიხ ვირთავა არის დამნაშავე! აი ვინ არის დასაქერი. შეიძლება აქ მეორე მოსაზრებაც: შეიძლება ვინმემ ეგება სახელის უკვდავება მოინდომა ჰერასტრატესავით და დაწვა სქართიელოს საბაჟო. მაგრამ ვინაობას რატომ არ აცხადებს ამდენხანს? მე საქვეყნოთ ვაცხადებ, რომ დასაქერია არა „უდანაშაულო მსხვერპლნი“ არამედ საბაჟოს ვირთხები, რომლებმაც; „ციხე შიგნიდან გასტეხეს“.

ოქრუას ბიჭი.

სოფ. წევა.

წიგელი „შეგარდნები“

სამსონ-კასიან შეიბნენ,
 ამაზედ ჰქონდათ მსჯელობა:
 რომელი უფრო წმინდაა,
 რომელს შეჰშვენის მღვდელობა!..
 სამსონ-ა უთხრა:— შე გლახავ,
 ვინ არის შენი ტოლია?
 შენისთანები დიაკვნათ
 თექვსმეტი მაინც მყოლია!
 თუ კიდევ ვაგიბედნია
 ჩემთან, შენ, ლაპარაკიო,
 მაშინვე გაგხდი მაგ კაბას...
 შემდეგ ჩაიცივი ფრაკიო!
 კასიანემ უპასუხა:
 ვის უბედავ მაგას შენო,
 ხომ არ გინდა ყველაფერი
 მამა ნაზარს მოვახსენო!?.
 ვის აბრალო, შენ, ქურდობას,
 ვის უძახი არა კაცსა?!..
 თუ შეიღებე ცოცხალი მყავს

ამომყრიან შენზე ჯაგრსა!...
 მიიწიეს დასარტყმელათ
 დაიმკლავეს მარდათ ხელი,
 მაგრამ უცებ შუა ჩასდგა
 იქ მოწამე, სიმონ მღვდელი...

რა ხალხია, სთქვი მკითხველო,
 ან ლირსია იყვნენ მღვდლები,
 რომ ერთმანეთს ყოველ დილას
 ეცემიან, როგორც მგლები?
 მე აჰას ვაზოვ ბატონ ეშმაკს,
 ჯოჯოხეთის მოციქულსა,
 შემისრულოს ეს ვედრება
 ნუ დამაკლებს მასზე გულსა.
 მართალია, მისი შოლტი
 მხოლოდ ხვდება ქვეყნის მტრებსა,
 მაგრამ მე გთხოვ ეგ მათრახი
 გადუქიროთ წვეველ მღვდლებსა,
 რომ სკოლის წინ, და არც სხვაგან
 არ მართავდენ აწ მუშტს კრულსა,
 თორემ კიდევ მოვახსენებ
 ჯოჯოხეთის მოციქულსა...

მელა-კუდა.


რუქა მიწის ძგრისაგან დაზარალებულ სოფლებისა ქალაქ გორის გარშემო.





მოკლე ცნობა გორის რაიონში მიწის ძვრისგან მიუენებულ სახელებისა.

სახელები თემებისა და სოფლებისა	საერთო რიცხვი მოსახლეებისა	რიცხვი დაზარალებულ მოსახლეებისა	რაოდენი კაცი მოკვდა	მძიმე რამდენი დაზარალებული	მსუბუქად რამდენი დაზარალებული	ავთ რამდენი გახდა	სახელები თემებისა და სოფლებისა	საერთო რიცხვი მოსახლეებისა	რიცხვი დაზარალებულ მოსახლეებისა	რაოდენი კაცი მოკვდა	მძიმე რამდენი დაზარალებული	მსუბუქად რამდენი დაზარალებული	ავთ რამდენი გახდა						
I. ახალქალაქის თემი.																			
1. ახალქალაქი	550	73	—	—	—	1	41. ზემო ზვედურეთი	160	48	—	—	—	1						
2. პაშინი	20	7	1	—	—	—	42. ქარელი	361	132	—	—	—	4 4						
3. კაპრაშინთ კარი	13	11	—	—	—	—	43. დვლევი	43	40	—	—	—	—						
4. ზემო ხანდაკი	225	203	5	5	2	18	44. ქვ. ზვედურეთი	93	54	—	—	—	4						
5. ხოვლე	460	454	2	1	6	40	სულ ქარელის თემში												
6. მეტეხი	325	301	—	1	—	15	IV. რუისის თემი.												
7. ბარნაბიანთ კარი	63	53	—	—	—	4	45. რუისი	550	524	1	—	2	25						
8. სოსრეთი	120	110	3	2	1	7	46. ბეზნისი	54	30	—	—	—	2						
9. ყარაღაჯი	270	234	2	—	2	38	47. ოთარაშენი	13	13	—	—	—	—						
10. დოესი	320	289	6	2	4	35	48. ტი ის ხიდი	62	62	9	—	3	2						
11. გრაკალი	63	63	—	—	—	—	49. თელა წმინდა	11	11	—	—	—	3						
12. ქეზრელი	300	179	4	—	2	1	50. ურბნისი	160	158	1	—	—	2						
13. ახალსოფელი	10	—	—	—	—	—	51. სახირეთი	40	15	—	—	—	—						
14. გოპი	180	7	—	—	—	—	სულ რუისის თემში												
15. ერთაწმინდა	151	10	—	—	—	—	890	813	11	—	—	5	35						
16. ჩოხეთი	75	6	—	—	—	—	V. ხელთუბანის თემი.												
17. ნიაბი	65	7	—	—	—	—	52. უფლის-ციხე	145	113	15	2	—	7						
18. ახალციხე	117	5	—	—	—	—	53. თორტიზა	85	85	—	—	—	—						
სულ ახალქ. თემში							3327	2012	23	11	17	156	54. დიდი გარეჯვარი	60	60	—	—	2	5
II. ატენის თემი.																			
19. ხიდისთავი	227	210	30	8	12	9	55. პატარა გარეჯვარი	115	115	3	—	—	9						
20. ოხერა	110	106	16	5	6	9	56. კარალეთი	340	955	—	—	—	3						
21. ჯებირი	16	16	—	—	—	—	57. ზემო რეზი	15	15	—	—	—	—						
22. გარდატენი	50	50	—	—	—	—	58. ქვემო რეზი	27	27	—	—	—	—						
23. ატენა	200	178	1	—	1	3	59. ბერბუცი	35	35	—	1	2	1						
24. ცედისი	14	14	—	—	1	1	60. ხელთუბანი	167	149	—	—	—	1 11						
25. ბნავისი	58	58	—	—	—	3	61. სუანეთი	140	137	1	5	2	1						
26. ღვარები	70	68	—	—	1	9	62. შაშვეთი	30	30	—	—	—	2						
27. ზ. ქსოვრისი	25	23	—	—	—	—	63. ახალსოფელი	84	72	—	—	—	5						
28. დიდი გორისჯვარი	30	30	1	—	—	—	64. ნაურეთი	26	13	—	—	—	—						
29. პატარა გორისჯვარი	14	14	—	—	—	1	65. პატარა ზურგალეთი	15	8	—	—	—	—						
30. გორა	10	10	4	—	—	2	66. ზემო სობისი	25	20	—	—	—	—						
31. ვანიანთუბანი	31	31	—	—	—	—	67. ქვემო სობისი	65	65	—	—	—	—						
32. დრე	28	5	—	—	—	—	68. ზედგულეთი	93	92	—	—	—	—						
33. ცხნევი	15	3	—	—	—	—	69. ნადარბაზევი	80	40	—	—	—	—						
34. ავკეთი	20	4	—	—	—	—	სულ თემში												
35. მონასტერი	9	9	—	—	—	—	1546	1336	19	8	7	44							
სულ ატენის თემში							927	831	52	13	21	37	VI. მეჯვრისწყლის თემი.						
III. ქარელის თემი.																			
36. სკა	121	121	5	2	41	2	70. მეჯვრისწყლი	560	105	1	—	—	4						
37. ქვ. ფლევი	26	13	—	2	1	4	71. ბერშუეთი	171	91	—	—	—	3						
38. ცხელი წყარო	14	2	—	—	—	—	72. ახრისი	77	?	—	—	—	—						
39. კოშკები	24	24	—	—	—	1	73. ზერთი	227	?	—	—	—	—						
40. ბეთლემი	40	—	—	—	—	1	74. კიტრუული	56	?	—	—	—	—						
							სულ თემში												
							1182												
							198												
							7												
							სულ 15 სოფელში												
							8754												
							5638												
							111												
							36												
							60												
							298												
							1336												
							1817												
							19												
							26												
							49												
							192												



დ ე ზ ე შ ე ბ ი.

წერილი რედაქციის მიმართ.

ს. ბუკისციხე. ადგილობრივ სამკითხველოდან გაზეთები ჩვეულებრივად განაგრძობენ დეზერტირობას. გამგეობამ გადასწყვიტა თითოული გაზეთისათვის შეიძინოს ორფუთიანი ჯაჭვები მაგიდაზე მისაბამათ. შიშობენ გაზეთებმა მაგიდა თან არ გაიტაცოს.

ჯიმა კოჩი.

ჩოხატაური. ჯვარცხმა-გუთურის კოოპერატივის სარევიზიო კომისიის კრებაზე 28 თებერვალს გარდაიცვალა გამგეობის წევრი ბ. ჯიქია. განსვენებულმა კოოპერატივის უანდერძა გამოხორული კასა.

ბაბუა.

ბ. რედაქტორო! თქვენი ჟურნალის №-9ში ვინმე „უხილავს“ მე, ამ სტრიქონების ავტორი, ყბად აუღივარ და ოხუნჯობის საგნად გავუხდივარ. ოხუნჯობის საწინააღმდეგო მე არა მაქვს რა. კარგი ოხუნჯობა ძლიერაც მიყვარს, მაგრამ ოხუნჯობასაც უნდა ჰქონდეს თავისი მიზანი და გამართლება. უმორჩილესად ვსთხოვ ბ. უხილავს, კეთილ ინებოს და გამაგებინოს, რა ჩამიდენია საიმისო, რომ სისაცილოდ ავუღივარ?

ნ. თუხარელი.

ქიმერიონში.



სპეკულანტი. ეს ღმერთმა. აღდევრძელოს ქართველი მწერლები: იმათთანა ერთგული მეგობარი ჩვენ სხვა არა გყავს... აბა, ციკუნე, ძირაძლი უნდა დასცალო!...

ქალი. არ მინდა, არა! მე არ მიყვარს მწერლები... მოსაწყენი ხალხია, ქეთის არა გავგებათ რა... სულ მუდამ რაღაცას ჰფიქრობენ და იბერებიან!.. რათ უნდა დავლიოთ მათი სადღევრძელო?

სპეკულანტი. რათაო, მკითხავ? იმათ, რომ ჩვენთვის ზრუნავენ... ასეთი კარგი რესტორანი გაგვიჩადეს, თითონ კი, იაფ ფასიან სასადილოებშიაც ძლივს დადიან... აბა სადა აქვთ აქ შემოსასვლელი ფული?...